

Wayki<u>ngingu</u>n ga Yäwirrwun

Djambarrpuyŋu

and a start of the

Gulaka'puy Dhäwu

The Big Yam

Story by Waykingin and Yäwirr Illustrations by Djirrpinyin Translated by Helen Rrikawuku from the original Gupapuynu story by the Literature Production Centre, Milingimbi CEC in 1993.

Language: Djambarrpuyŋu

Editing by Sherilyn Dhamarrandji and Emma Smolenaers Redesign by Andie Clements

First published by Galiwin'ku Literature Production Centre in May 1994. Revised and reprinted in 2016. Second Edition published with edits by Literature Production Centre – Shepherdson College, 2023.

ISBN: 978-1-925068-37-5



Literature Production Centre

Shepherdson College


© Gulaka'puy Dhäwu, 2023

All rights reserved. No part of this publication may be reproduced, stored in a retrieval system, or transmitted in any form or by any means, electronic, mechanical, photocopy, recording or otherwise without the written permission of the publisher.

Published by Literature Production Centre – Shepherdson College, Galiwin'ku, Arnhem Land, Northern Territory, Australia

Shepherdson College, PMB 74, Winnellie, NT 0822 www.lpc.elcho.org


Gulaka'puy Dhäwu



Dhäwuny mala: Wayki<u>nging</u>uŋ Yäwirrwuŋ

Wuŋu<u>l</u>iny' mala: Djirrpinyinguŋ

Djambarrpuyŋuwurrnydja dhärukkurr: Rrikawukuwuŋ Näthil baman' gan nhinan worruŋu miyalk, djawu<u>l</u>pa', yothu miyalk, wa<u>t</u>u ga butjikit.



Waŋganymirriy waluy, walal marrtjin gulakaw'. Ga gäŋalnydja walal gan dhona' ga bathi.



Bala ŋayi worruŋuynydja miyalkthu nhäŋal yindin gulaka' marwat djinawa retjaŋur, ŋayi gan marra-ŋurrkaŋal nhakun djitama.

"Way! Nhä dhuwandja latju marra? Mak dhuwana bili gulakany' ŋarraku."



Bala worruŋuynydja miyalkthu yaw'yurra gulakany' nhanukiyingal ŋayi dhonay', ga malŋ'maraŋalnydja ŋayi yindin mirithirra ŋunhi ŋathany.

Yaw'yurrnydja ŋayi...i...i, ga yän bili...i...i, ga gulaka' rumbal ma<u>l</u>ŋ'thurr.

Bala ŋayi marrtjin warryurra, yurr bäyŋu ŋayi dhawa<u>t</u>thunany ŋunhi gulakany'. Ga bulu ŋayi warryurr,

ga warryurr,

ga warryurr.




Beŋuryiny ŋayi worruŋuny miyalk wätthurr djawulpaw'nha bitjarr gam', "Way! Go! Guŋga'yurr ŋarrany, dhuwal ŋarra ga warryun marra gulaka', ga bäyŋu gi dhawatthurr dhuwal."

Bala djawulpany' marrtjinan guŋga'yunarawnha worruŋuwnha miyalkku, ga rrambaŋin manda gan warryurrnydja ŋunhi gulakany'. Ga bulu manda warryurr,

ga warryurr,

ga warryurr.




Bala worruŋuny miyalk ga djawulpany' wätthurr mandangalanaw miyalkkun yothuw bitjarr gam', "Way! Go! Gunga'yurr linyalany dhuwal. Bili linyu gan warryurr dhuwal gulaka' ga dadatj, bäynu dhuwal gi dhawatthurr bondi."

Bala miyalktja yothu marrtjinan guŋga'yunarawnha djawu<u>l</u>paw'nha ga worruŋuwnha miyalkku, ga rrambaŋin walal gan warryurrnydja ŋunhi gulakany'. Ga bulu walal warryurr,

ga warryurr,

ga warryurr.



Worruŋu miyalk, djawu<u>l</u>pa' ga yothu miyalk wätthurr wa<u>t</u>uw bitjarr, "Go! Mak nhe marrtji räli ga guŋga'yurr napurruny! Bili napurr gan dhuwal gulaka' warryurr, ga bäyŋu gi dhuwal dhawa<u>t</u>thurr."

Bala wa<u>t</u>uny marrtjinan guŋga'yunarawnha miyalkku yothuw, djawu<u>l</u>paw'nha, ga worruŋuwnha miyalkku, ga rrambaŋin walal gan warryurrnydja ŋunhi gulakany'. Ga bulu walal warryurr,

ga warryurr,

ga warryurr.




Worruŋu miyalk, djawulpa', yothu miyalk ga watu, walal bukmak wätthurr butjikitku. "Way, butjikit! Go! Guŋga'yurr napurruny, bili dhuwal gulaka' däl mirithirr. Warryurr napurr dhuwal ga dadatj."

Bala walal bukmakthun yan warryurr dhika. Ga bulu walal warryurr,

ga warryurr,

ga warryurr.



Warryurr walal, ga warryurr, ga yän bili..i..i ga dhawa<u>t</u>maraŋal walal yan ŋunhi **yindiny gulakany'**. Bala walal bukmaknha yan galkirrinany.

Worruŋu miyalk galkirrin djawu<u>l</u>pa'wal, ga djawu<u>l</u>pa' galkirrin miyalkkal yothuwal, ga miyalktja yothuny galkirrin wa<u>t</u>uwal, ga wa<u>t</u>uny galkirrin ŋapalil butjikitkala, ga butjikittja galkirrin munathalilnha.


Bala warrpam'nha walal gan ŋapa-ŋal'maranhaminan ŋorrany munathaŋurnydja, bala walal nhäŋalnha **yindin gulaka'**, ŋayi gan ŋorran warraŋul munathaŋur.




Ga ŋunhi gulakany' yindin mirithirra, bala walal bukmak waŋan bitjarr, "Yoy, yuy... nhän dhuwandja yindin gulaka' mirithirra, muka?"

"Yindi dhuwal gulaka' mirithirr, nhaliynha limurr dhu gämany dhuwal bala wäŋalilnydja?" bitjarr ŋayi waŋan worruŋuny miyalk.

Bala walal mel-nhänhaminan, worruŋuy miyalkthu nhäŋal yothuny miyalknha, ga yothuy miyalkthu nhäŋal watuny, ga watuynydja nhäŋal butjikitnhan.




Bala walal <u>l</u>iya-ŋamaŋamayunminan, nhakun nhaliy walal dhu dubukthun ŋunhiyi **yindi gulaka'** bala wäŋalil. Bala yothuynydja miyalkthuny **guyaŋanan!**



Bala ŋayi waŋan bitjarr walalaŋ, "Nhämirr limurr dhu dhuwalawurr bili mala, marrtji bala wäŋalil, ga waŋa wiripuwurruny yolŋuny walalany, walal dhu guŋga'yun limurruny. **Manymak?**"

Ga yoraŋal walal nhanŋu bala walal marrtjinan roŋiyinan wäŋalila, märr walal dhu waŋa wiripuwurruny yolŋuny walalany guŋga'yunaraw. Ga dharrwan yolŋuny marrtjin, ga nhäŋal ŋunhi **yindiny** gulaka'.



Walal märra'-marraŋal yolŋuny walalany, bala walal marrtjin wäŋgaŋalnha gumurr-retjalil, ŋunhi wanhal gan gulaka' ŋorran. Bala walal birrka'yurra <u>l</u>aw'maraŋalnha.

"WAŊGANY, MÄRRMA', LURRKUN'!" bitjarr ŋayi worruŋuny miyalk waŋan walalaŋ.
"Mak, limurr warrpam'thu law'maram, bili yindi dhuwal gulaka'. Yurr dhuwandja yaka yindi mirithirr nhakun galuku dharpa! Ga mirithirr ŋanak-dumurr nhakun yindi gunda!"

Bala walal <u>l</u>aw'maraŋalnha ŋunhi gulakany'. Ga gurrukaŋala walal marrtjin ŋunhi gulakany' <u>l</u>ambarryun wäŋalilnydja.



Ga yindin mirithirra gurthany walal dhaŋalkkuŋal, bala walal bathara ŋunhi gulakany', ga bäy ŋunhi gulaka' borumdhin, bala walal warrpam'thun <u>l</u>ukanany.

Ga bukmak ŋunhi yolŋu'-yulŋuny ŋunhi walal gan guŋga'yurr warryurr ŋunhi gulaka' ŋatha, ŋuriŋiwurruy lukanany ŋunhi gulakany'. Yurr lirrma'yunawuy walal gan ŋunhi gulakany' nyaŋ'thurr.

Yurr dhäkaynydja ŋunhi, latjun dhika mirithirra.

